

**Talamdan sa
Mga Mensahe alang sa Full-time Training
sa Spring Term sa 2024**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
IKADUHANG CORINTO**

Mensahe 7

**Ang Pagpangalagad sa Bag-ong Tugon—
Ang Pagpangalagad sa Espiritu, ang Pagpangalagad sa Pagkamatarong,
ug ang Pagpangalagad sa Pagpasig-uli nga Magdasig Nato Pag-usab**

Basahong Kasulatan: 2 Cor. 3:6-9; 5:18-20

- I. Ang pagpangalagad sa Bag-ong Tugon mao ang pagpangalagad sa Espiritu nga habog nga punto sa diosnong pinadayag nga magdasig nato pag-usab—2 Cor. 3:6-8; Bug. 22:17a; Hab. 3:2:**
- A. Ang mga sulod sa pamatigayon sa Dios naglambigit sa nahikay ug nahingpit nga Tulo-usang Dios ug sa Iyang pinili ug tinubos nga katawhan nga gihikay ug gihingpit.
 - B. Una, nahikay ang Tulo-usang Dios sa pagkahimo Niyang tawo (Juan 1:14) aron mosinati sa tawhanong pagkinabuhi, malangkobon-sa-tanan nga kamatayon, ug labaw-sa-tanan nga pagkabanhaw aron mahimong Espiritung taghatag-og-kinabuhi (1 Cor. 15:45b), ang nahingpit nga Espiritu.
 - C. Unya sa pagsulod ning kahibulongang Espiritu sa pinili ug tinubos nga katawhan sa Dios, nagsugod sila sa pagsinati ning kahibulongang kahikayan nga mahimong Dios sa kinabuhi ug kinaiya apan dili sa ranggo sa pagka-Dios.
 - D. Nagsugod kining kahikayana sa pag-anak pag-usab ug nagpadayon sa pagbalaan, pagbag-o, pagtransforma, pagpasama, ug paghimaya hangtod mahingpit sila aron mahimong pangasaw-onon ni Cristo.
 - E. Busa, sa kataposan sa Biblia naay kahibulongan kaayong magtiayon—ang nahikay ug nahingpit nga Tulo-usang Dios nga mao “ang Espiritu” nga naminyo sa nahikay ug nahingpit nga iglesia nga may tulo-ka-bahin nga mao “ang pangasaw-onon”—Bug. 22:17a.
 - F. Kini ang kinataposang kahingpitan sa Dios nga nahimong tawo aron mahimong Dios ang tawo sa kinabuhi ug kinaiya apan dili sa ranggo sa pagka-Dios aron mahimong walay kataposang magtiayon ang Dios ug ang tawo, magtiayon nga naghigugmaay nga samag matang, nausea, nasagol, ug natagik nga usa ka persona sa eternidad aron hingpit nga mapadayag ang Tulo-usang Dios dinhi sa uniberso.
 - G. Ang Espiritu uban sa atong espiritu mao ang sekreto sa tanang pagsinati sa organicong kaluwasan, nga mao ang pagkahimo natong Dios ug pagpatahom sa pangasaw-onon—Efe. 5:25-27:
 - 1. Gipanganak ta pag-usab sa nanganak nga Espiritu nga naa sa atong espiritu nga gibuhi ni Cristo, gihatagan ta sa pagbulot-an nga mahimong mga anak sa Dios, nga gipanganak sa Dios—Juan 1:12-13; 3:6; Tito 3:5.
 - 2. Gibalaan ta sa nagbalaang Espiritu sugod sa atong espiritu nga nabihag ni Cristo, pinaagi sa kinaiya sa Dios, naghimo natong balaan ngadto sa Dios—Rom. 6:19, 22; Efe. 5:26.
 - 3. Gibag-o ta sa nagbag-ong Espiritu nga naa sa atong espiritu nga gipuy-an ni Cristo, aron masul-ob nato ang bag-ong tawo pinaagi sa pagdugmok sa krus—Rom. 12:2; Efe. 4:23-24; 2 Cor. 4:16-18.
 - 4. Gitransporma ta sa nagtranspormang Espiritu nga naa sa atong espiritu nga gipuno ni Cristo, ngadto sa mahimayaong dagway ni Cristo aron mapadayag Siya—3:15-18.
 - 5. Gipasama ta sa nagpahamtong nga Espiritu nga naa sa atong espiritu nga gipadato ni Cristo, sa dagway ni Cristo, nga panganayng Anak sa Dios—ang sumbanan sa mga anak sa Dios—Col. 1:28; Efe. 4:13; Rom. 8:28-29.
 - 6. Gisuropan ta sa nagtimbreng Espiritu nga naa sa atong espiritu nga nagkalipay uban ni Cristo, sa himaya sa Dios ug gidala ta nganha ning himayaa aron mahimaya ta—Efe. 4:30; Heb. 2:10; Fil. 3:20-21.

7. Dugang niini, kinahanglan makita ug masinati nato ang sekreto sa gipakusgan nga kaluwasan sa Dios; gidasig ta sa gipakusgang Espiritu nga naa sa atong espiritu, nga gidani sa Cordero, aron modaog sa pagkadaot sa iglesia aron mahingpit sa Lawas ni Cristo ang Bag-ong Jerusalem—Bug. 1:4; 3:1; 4:5; 5:6; 2:7; 1:10; 19:7-9; 21:2.

II. Ang pagpangalagad sa Bag-ong Tugon mao ang pagpangalagad sa pagkamatarong, nga mao ang pagkinabuhi ug tinuod nga pagpadayag kang Cristo, ang Dios-tawong pagkinabuhi, nga magdasig nato pag-usab—2 Cor. 3:9; Rom. 5:18, 21:

A. Dunay duha ka aspeto ni Cristo nga pagkamatarong sa mga magtutuo:

1. Si Cristo ang objectibong pagkamatarong nato aron mamatarong ta atubangan sa Dios panahon sa paghinulsol nato ngadto sa Dios ug pagtuo ngadto ni Cristo—3:24-26; Buh. 13:39; Gal. 3:24b, 27.
2. Si Cristo sab ang subjectibong pagkamatarong nato ingon nga pagkinabuhi ug tinuod nga pagpadayag nato ni Cristo, nga mao ang labaw-sa-tanan nga kahimtang sa pagpadayag sa Dios pinaagi sa pagkinabuhi nato ni Cristo—Fil. 3:9; 1:21a.

B. Gihulagwayan kining duha ka aspeto sa pagkamatarong sa duha ka bisti sa rayna sa Salmo 45:13-14:

1. Nitakdo ang usa ka bisti sa objectibong pagkamatarong, nga alang sa kaluwasan nato—"hinabol sa hilo nga bulawan ang iyang bisti"—v. 13b:
 - a. Nagtimaan kini nga ang Cristo nga nabatokan na pinaagi sa kamatayon ug pagkabanhaw mao ang pagkamatarong sa iglesia nga motagbo sa matarong nga gipangayo sa Dios aron matarong siya sa Dios—1 Cor. 1:30; Luc. 15:22; Jer. 23:6.
 - b. Ang pagkatinabonan niya sa bulawan nagtimaan sa pagpakita sa iglesia diha sa diosnong kinaiya—Sal. 45:9b; 2 Ped. 1:4.
2. Nitakdo ang usa pa ka bisti sa subjectibong pagkamatarong, aron modaog ta—"dad-on siya ngadto sa Hari diha sa binordahang bisti"—Sal. 45:14a; itandi sa Bug. 19:8; Mat. 22:11-12:
 - a. Ang madaogong mga magtutuo mao ang hiniusang rayna ni Cristo, nga naghimo ni Cristo nga harianong puluy-anan nila aron mapalgan sila diha ni Cristo ug aron mahimo Siyang subjectibong pagkamatarong nila—Sal. 45:13a; Juan 15:4a.
 - b. Kining binordahang bisti, nga usa pa ka bisti, ang ikaduhang sapaw sa tabon niya, nagtimaan nga dad-on ang iglesia ngadto ni Cristo sa ilang kasal, nga binistihan sa mga pagkamatarong sa mga balaan aron matagbo ang gipangayo ni Cristo sa iyang kaminyoon—Bug. 19:8.
 - c. Ang bisting binordahan mao ang subjectibong Cristo nga giborda nganha sa atong karakter, sa atong pagkatawo, aron mahimong pagkamatarong nga gikinabuhi nato.
 - d. Nagtimaan kining pagborda sa nagtranspormang buhat sa Espiritu Santo, nga nagbuhat adlaw-adlaw aron inanayng iborda si Cristo kanato aron mahimong bisti nato sa kasal.
 - e. Mobayad gyod sa bili ang nadaot nga napahiuling iglesia aron magkinabuhi ni Cristo nga subjectibong pagkamatarong niya aron masul-oban siya ni Cristo nga inaprobahan-sa-Dios nga paggawi niya—3:18.

C. Aron magantihan og Cristo nga purongpurong nato sa pagkamatarong sa sunod nga panahon, mosinati ug mopahimulos gyod ta Niya nga subjectibo, gikinabuhi nga pagkamatarong nato ning panahona—Fil. 3:9.

D. Ang pagpangalagad sa pagkamatarong mahingpit sa Bag-ong Jerusalem nga "syudad sa pagkamatarong" (Isa. 1:26) nga magpuyo sa "bag-ong mga langit ug bag-ong yuta" (2 Ped. 3:13).

III. **Ang pagpangalagad sa Bag-ong Tugon mao ang pagpangalagad sa pagpasig-uli, nga ang tiunanyng kahulogan mao ang pagpangatiman sumala sa Dios, nga magdasig nato pag-usab—2 Cor. 5:18-20:**

- A. Ang pagpangalagad sa pagpasig-uli magdala nato gikan sa sawang ngadto sa Dapit Labing Balaan, nga nganha niini giyahan ta ni Cristo nga dakong Magbalantay diha sa mga agianan sa pagkamatarong tungod ug alang sa Iyang ngalan aron magpuyo ta sa balay sa Ginoo, sa balaang puluy-anan

- sa Dios (ni Cristo, sa iglesia, sa atong espiritu, ug sa Bag-ong Jerusalem), sa gidugayon sa atong mga adlaw—Sal. 23:3, 6; 73:17; 77:13; Juan 1:14; 2:21; 1 Tim. 3:15-16; Efe. 2:22; Bug. 21:2-3, 22.
- B. Kay hingpit na mang napasig-uli sa Dios si apostol Pablo, angayan siya nga mahimong embahador ni Cristo, nga morepresentar ni Cristo nga mangatiman sa mga tawo ngadto ni Cristo; isip embahador ni Cristo, “nagsilbing Dios” si Pablo—2 Cor. 5:18-20; 1:3-4, 12; 2:10; 11:2.
- C. Niingon ang 1 Pedro 5:1-2 nga atimanon gyod nato ang mga tawo sumala sa Dios; nagpasabot ang *sumala sa Dios* nga nausa ta sa Dios ug nahimong Dios sa upat ka kaayo Niya sa gugma, kahayag, pagkabalaan, ug pagkamatarong; atimanon gyod nato ang mga batan-on, mga maluyahon, ug mga nanibog ug hingpit nga dad-on ngadto sa Dios sumala ning upat ka kaayo.
- D. Gibuhat sa mga embahador ni Cristo ang pagpangalagad sa pagpasig-uli; dili lang nga modalag balik sa mga makasasala ngadto sa Dios ang pagpangalagad sa pagpasig-uli kondili modala sab sa mga magtutuo ngadto sa Dios ug hingpit nga mopausa nila Kaniya—2 Cor. 5:18-20.
- E. Asa kutob madala nato ang uban ngadto sa Dios masukod gyod kon hain ta kalabot sa Dios; labi ta nga naa Niya, labi sab nga makapasig-uli ta sa uban ngadto Niya; makasugo si Pablo sa mga magtutuo nga “manuol” (dili “mangadto”) sa Dapit Labing Balaan kay tawo man siya nga naa sa Dapit Labing Balaan —12:2a; 5:20; Heb. 10:22:
1. Kon duna tay kahimoan nga mobuhay apan walay suod nga pagtagad, dili gyod magma-bungahon ang atong buhat; kanang wala tay mahigugmaon ug mapasayloong kasingkasing sa atong Dios Amahan ug sa maatimanon ug mapangitaong espiritu sa atong Manluluwas nga Cristo maoy hinungdan sa pagkawalay bunga nato—Luc. 15; itandi sa 1 Cor. 12:31b; 2 Tim. 1:7; Filem. 9-12.
 2. Ang pagkamabungahon nato wala mag-agad sa mahimo nato kondili duna ba tay suod nga pagtagad o wala ba; ang kinabuhing nangalagad kinabuhi nga nagpinit sa uban pinaagi sa pagpangga kanila sa pagka-tawo ni Jesus aron matil-ogan sila sa pagkadios ni Cristo ug sa kadato Niya—2 Cor. 12:15; 1 Cor. 9:22; Mat. 9:12.
 3. Giatiman si Pablo ang mga balaan ingon nga inahang nagpasuso ug amahang nagtambag; nanaog siya sa kahimtang sa mga maluyahon aron mabatonan niya sila—1 Thes. 2:7-8, 11-12; Buh. 20:19-20, 27, 31; 2 Cor. 11:28-29; 1 Cor. 9:22; itandi sa Mat. 12:20.
- F. Gikinahanglan nato ang pagpangatiman ni Cristo nga maghatod nato sa Dapit Labing Balaan aron magpuyo uban sa Dios diha sa atong espiritu aron makaatiman ta sa uban ngadto sa Dapit Labing Balaan aron mahimo silang mga tawo sa espiritu—1 Cor. 2:15; 6:17:
1. Ang realidad sa Lawas ni Cristo pagkinabuhi man nga naa sa nasagol nga espiritu, nga mao ang puluy-anan sa Dios, ang balay sa Dios, ang Bethel karon, ang ganghaan sa langit, ug ang Dapit Labing Balaan—Efe. 2:22; Gen. 28:12-17; Juan 1:51; Heb. 9:3-4; 10:19-22.
 2. Ang realidad sa Lawas ni Cristo mao ang sumada sa tanang bag-ong persona nga naa sa sulod natong tanan (ang tawo nato sa sulod mao ang bag-ong persona nato); mag-ampo gyod ta nga malig-onan sa gahom nganha sa tawo sa sulod aron marealidad ang Lawas ni Cristo nga sulod-nong pagsinati nato ni Cristo nga nagpuyo sa sulod ingon nga kinabuhi aron mahimaya ang Dios diha sa iglesia—Efe. 3:16-21.
- G. Sa Bag-ong Jerusalem nga kinataposan ug walay kataposang Dapit Labing Balaan (Bug. 21:16), “magbantay nila ang Cordero nga naa sa tungatunga sa trono ug maggiya nila sa mga tubod sa mga tubig sa kinabuhi” (7:17).